



Broj: 05-95-6/17
Sarajevo, 13. 02. 2017. godine

Na temelju člana 64. stav (1) tačke b) Zakona o javnim nabavkama („Službeni glasnik BiH“, broj: 39/14, u nastavku: Zakon), člana 70. stav (1), (3) i (6) Zakona, preporuke komisije iz Zapisnika o pregledu i ocjeni ponuda, broj: 05-95-5/17 od 10. 02. 2017. godine i člana 22. Statuta Agencije za bankarstvo Federacije BiH („Službene novine Federacije BiH“, broj: 42/04), direktor Agencije za bankarstvo Federacije BiH donosi

O D L U K U
**o izboru najpovoljnijeg ponuđača u postupku javne nabavke usluga fotokopiranja
i sastavljanja dokumentacije**

Član 1.

Prihvata se preporuka komisije za provođenje postupka javne nabavke iz Zapisnika o pregledu i ocjeni ponuda, broj i datum iz uvodnog dijela ove odluke, po provedenom postupku konkurentskog zahtjeva za dostavu ponuda – nabavka usluga fotokopiranja i sastavljanja dokumentacije za potrebe Agencije za bankarstvo Federacije BiH (u nastavku: Ugovorni organ) i okvirni sporazum za period od jedne godine, dodjeljuje se ponuđaču PRO&AD d.o.o. Sarajevo.

Član 2.

Ukupna ponuđena cijena predmetnih usluga iz člana 1. ove odluke, iznosi 9.293,00 KM, bez poreza na dodanu vrijednost (PDV).

Član 3.

U skladu s članom 70. stav (6) Zakona, Ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su učestvovali u ovom postupku.

Član 4.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stava (2) Zakona.

O B R A Z L O Ž E N J E

Odlukom direktora Ugovornog organa, broj: 05-95/17 od 12. 01. 2016. godine, pokrenut je postupak javne nabavke usluga usluga fotokopiranja i sastavljanja dokumentacije za potrebe istog. Javna nabavka je provedena putem konkurentskog zahtjeva za dostavu ponuda, a kao kriterij za dodjelu ugovora odabrana je najniža cijena tehnički zadovoljavajuće ponude.

Obavještenje o nabavci predmetnih usluga objavljeno je na Portalu javnih nabavki dana 13. 01. 2017. godine pod brojem: 3010-7-2-16-3-1/17, a ispravka za Obavještenje o nabavci 18. 01. 2017. godine, pod brojem: 3010-7-2-16-8-3/17.

Procijenjena vrijednost predmetne javne nabavke iznosi 12.000,00 KM, bez uračunatog poreza na dodanu vrijednost (PDV).

Dana 25. 01. 2017. godine, u skladu s Obavještenjem o nabavci u ostavljenom krajnjem roku za dostavu ponuda blagovremeno su pristigle 3 (tri) ponude i to od strane sljedećih ponuđača: PRO&AD, KOPIKOMERC s.p. Istočno Sarajevo i FACIT d.o.o. Sarajevo, te je komisija izvršila javno otvaranje ponuda prema datumu i vremenu utvrđenom u prethodno navedenom Obavještenju. Javnom otvaranju ponuda prisustvovao je ovlaštenu predstavnik ponuđača KOPIKOMERC s.p. Istočno Sarajevo.

Komisija je nakon otvaranja ponuda, sačinila Zapisnik o otvaranju ponuda i isti u roku od 3 (tri) dana od dana otvaranja dostavila navedenim ponuđačima.

Postupak je dalje nastavljen u smislu detaljne analize dokumentacije priložene uz svaku pojedinačnu ponudu, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji (u nastavku: TD), te je na osnovu iste u ponudi ponuđača ponuđača KOPIKOMERC s.p. Istočno Sarajevo evidentirala sljedeću nepravilnost:

- Navedeni ponuđač nije ispunio kvalifikacijske uslove navedene u poglavlju III. (Uslovi za kvalifikaciju ponuđača), tačke 3.2 (Tehnička i profesionalna sposobnost – član 50. Zakona) TD, s obzirom na to da nije dostavio dokaz/izjavu da ima na raspolaganju minimalno jednu poslovnicu/radnju (u njihovom vlasništvu ili s istim mogu raspolagati po nekom drugom osnovu) na području općine Novo Sarajevo (sjedište Ugovornog organa).

Slijedom navedenog, komisija je dala prijedlog odgovornoj osobi Ugovornog organa da se ponuda navedenog ponuđača odbije kao neprihvatljiva, u skladu s članom 68. stav (1) i (4) tačkom i) Zakona.

Nadalje, primjenom člana 64. stav (1) tačka b) Zakona, komisija je utvrdila rezultate rangiranja ponuđača čije su ponude ocijenjene kao prihvatljive kako slijedi:

Redni broj	Ponuđači	Ukupna cijena (bez PDV-a)	Ukupna cijena (s PDV-om)
1.	PRO&A.D. d.o.o. Sarajevo	9.293,00 KM	9.293,00 KM
2.	FACIT d.o.o. Sarajevo	9.299,00 KM	10.879,83 KM

*Ponuđač PRO&A.D. d.o.o. Sarajevo nije u sistemu PDV-a.

U skladu s navedenim, primjenjujući kriterij najniže cijene tehnički zadovoljavajuće ponude, a saglasno članu 69. stav (1) tačke a) Zakona, komisija je jednoglasno predložila da se okvirni sporazum za period od jedne godine od dana obostranog potpisivanja sporazuma, u predmetnom postupku javne nabavke dodijeli ponuđaču PRO&AD d.o.o. Sarajevo.

Uvažavajući navedeno, direktor Ugovornog organa prihvatio je prijedlog komisije te donio odluku kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Ugovornom organu – Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- svim učesnicima u postupku,
- a/a.